



CONCELLO DE VIGO
Secretaría de Goberno Local

D^a. PATRICIA RODRIGUEZ CALVIÑO, CONCELEIRA-SECRETARIA DA XUNTA DE GOBERNO LOCAL DO CONCELLO DE VIGO

C E R T I F I C O: Que a Xunta de Goberno Local, na **sesión ordinaria do 1 de setembro de 2023**, adoptou o seguinte acordo:

18.- DAR CONTA DO INFORME DE FUNCIONAMENTO E XESTIÓN DO CANLE DE ALERTAS EN MATERIA DE CONTRATACIÓN. EXPTE. 1176/1102.

Dáse conta do informe-proposta do 28/08/2023, asinado pola secretaria de Goberno Local e instrutora do Plan de Integridade na Contratación Pública e pola concelleira da Área de Goberno, que di o seguinte:

Primeiro.- O Concello de Vigo ten unha extensa traxectoria na implantación e desenvolvemento de políticas públicas en transparencia e integridade. Mostra de ilo é a súa integración na "Red de Entidades Locales por la Transparencia y Participación Ciudadana" da *Federación Española de Municipios y Provincias*, acordada polo Pleno da Corporación en sesión ordinaria de data 30 de marzo de 2015 e a súa adhesión ó Código de Bo Goberno Local da FEMP por acordo plenario de data 30 de novembro do mesmo ano.

Segundo.- En data 22 de novembro de 2018 a Xunta de Goberno Local (en adiante XGL), acordou poñer en marcha os traballos para a elaboración do Plan de Integridade na Contratación e constituír un Comité Técnico, formado polo persoal responsable de Contratación, Administración Electrónica, Oficina Contable e Orzamentaria; Secretaría de Goberno Local, Intervención e Asesoría Xurídica, seguindo coa traxectoria municipal en desenvolvemento e implantación das políticas públicas en materia de transparencia e bo goberno. A composición do Comité Técnico de Integridade na Contratación actualizouse por Resolución da Concellería delegada de Contratación, Patrimonio e Xestión municipal de data de 3 de decembro de 2021 (en virtude da delegación por acordo da Xunta do Goberno local do 12/12/2019) como consecuencia da reorganización da Secretaría de Goberno local.

Terceiro.- O Plan de Integridade aprobouse pola Xunta de Goberno Local en data 12 de decembro de 2019, que acordou:

"Primeiro.- Aprobar o "Plan de Integridade na Contratación. Marco Estratéxico", de conformidade coa proposta elaborada polo Comité Técnico do Plan de Integridade na Contratación Pública, nas liñas establecidas pola Concellería Delegada de Contratación.

Segundo.- Delegar na Concellería Delegada de Contratación o desenvolvemento operativo do Plan e a súa implementación, para o que, contará co apoio técnico do



Copia do documento - Concello de Vigo	Data impresión: 04/09/2023 10:30	Páxina 1 de 5
1176-1102	CSV: A1AD3H-AF3A2D-8E2D44-YX76H4-V5AUBJ-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

"Comité Técnico de Integridade na Contratación", así como do conxunto da estrutura municipal de goberno e das áreas e dos servizos municipais.

Terceiro.- Encomendar ao Comité Técnico do Plan o apoio técnico á Concellería Delegada de Contratación na execución do Plan, labor para a que contará coa colaboración do conxunto das áreas e servizos municipais.

Cuarto.- Publicar o presente acordo no Portal de Transparencia Municipal de conformidade coa LTBG, no Perfil do Contratante e na Intranet municipal, dando conta do mesmo aos membros do Goberno municipal e ás Xefaturas de Área e de Servizo para a difusión no conxunto da organización."

Cuarto.- Aprobado o Plan, mediante Resolución da Concellería-Delegada de Contratación, Patrimonio e Xestión Municipal, de data 17 de decembro de 2019 procedeuse á aprobación do desenvolvemento operativo do mesmo.

Quinto.- O Plan de Integridade da contratación, marco estratéxico, recolle a "liña estratéxica 2: tirarlle partido á tecnoloxía", partindo da consideración da tecnoloxía como un dos alicerces do goberno aberto, ao servizo dunha boa administración e como ferramenta ao servizo da xestión do coñecemento. E, dentro desta liña, o "obxectivo estratéxico 2.2: Establecer mecanismos de detección e alertas", diríxese a mellorar o marco de control dos riscos e avanzar en rendición de contas. Con esta finalidade, o marco estratéxico, establece que "o seu desenvolvemento operativo incluírá mecanismos de detección interna xunto cun portal open data e canles electrónicas de comunicación coa cidadanía. No deseño terase en conta a recente aprobación da Directiva (UE) 2019/1937 do Parlamento Europeo e do Consello, do 23 de outubro de 2019, relativa á protección das persoas que informen sobre infraccións do Dereito da Unión".

En desenvolvemento deste obxectivo estratéxico 2.2, o plan de integridade, a nivel operativo, recolle dous obxectivos operativos:

- O obxectivo operativo 2.2.2. "Establecer un portal *open data*", que está en marcha, a partires do acordo da Xunta de Goberno local do 24 de xaneiro de 2020, que aprobou o "proxecto de creación e publicación do portal de datos abertos (*open data*) do Concello de Vigo" (expediente 8924/113), na actualidade operativo en <https://datos.vigo.org/es/>
- O obxectivo operativo 2.2.3. "Abrir un buzón electrónico de alertas", que nos ocupa.

Sexto.- En sesión de ata 13 de xaneiro de 2023 a Xunta de Goberno Local prestou aprobación a creación da canle de alertas en materia de contratación, por acordo da Xunta



Copia do documento - Concello de Vigo	Data impresión: 04/09/2023 10:30	Páxina 2 de 5
1176-1102	CSV: A1AD3H-AF3A2D-8E2D44-YX76H4-V5AUBJ-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



CONCELLO DE VIGO
Secretaría de Goberno Local

do Goberno local do 13 de xaneiro 2022 (expediente 6695/241). O dito acordo xa recollía na súa parte expositiva que no deseño da canle se atendía á regulación contida na Directiva (UE) 2019/1937 do Parlamento Europeo e do Consello do 23 de outubro de 2019 relativa á protección das persoas que informen sobre infraccións do Dereito da Unión coñecida como Directiva *Whistleblower* ou *Whistleblowing*.

Asemade, a xestión desta canle telemática encomendábase ao Comité de Integridade Contractual, con plena autonomía funcional e sen suxeición a orde xerárquica ningunha.

Sétimo.- Nesta mesma liña, tamén se aprobou o Plan Antifraude, adoptado mediante acordo da Xunta do Goberno Local do 11 de marzo 2022 (expediente 1185/441) relativo ao plan de medidas antifraude, do sistema de xestión do Plan de Recuperación, Transformación e Resiliencia, financiado pola Unión Europea-NextGenerationEU, no que se acorda, entre outros extremos, a composición do Comité de autoavaliación para os procesos regulados pola Orde HFP/1030/2021, do 29 de setembro. O Plan de Medidas Antifraude pode consultarse en https://hoxe.vigo.org/conecenos/prtr_antifraude.php?lang=gal#/

Oitavo.- O Concello de Vigo conta cun Delegado de Protección de Datos nomeado por acordo de XGL de 18 de novembro de 2022 (expediente 8837/113). O Responsable do Sistema Interno de Información, no caso de ter algunha dubida na xestión das comunicacións que impliquen tratamento de datos persoais e nas que poida existir o tratamento de datos de categorías especiais, poderá remitir consulta ao Delegado de Protección de Datos do Concello de Vigo.

Noveno.- En data 21 de febreiro de 2023 publicouse no Boletín Oficial do Estado núm. 44 a Lei 2/2023, do 20 de febreiro, reguladora da protección das persoas que informen sobre infraccións normativas e de loita contra a corrupción.

Décimo.- En sesión do 20 de abril de 2023, o Comité de Integridade Contractual pon de manifesto a necesaria adaptación da canle de alertas á LPI

Décimo primeiro.- En data 12 de xuño de 2023 a Xunta de Goberno Local prestou aprobación en expte 1446-1202 aos seguintes a

- a) Proposta das actuación e informacións previas a seguir na xestión do "Sistema Interno de Información" publicado no BOP PO 126 de data 30.06.2023
- b) Proposta de creación do órgano responsable do "Sistema Interno de Información "
- c) Proposta de aprobación da "Política do Sistema Interno de Información do Concello e Garantías de Protección das Persoas Informantes" publicado no



Copia do documento - Concello de Vigo	Data impresión: 04/09/2023 10:30	Páxina 3 de 5
1176-1102	CSV: A1AD3H-AF3A2D-8E2D44-YX76H4-V5AUBJ-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

BOP PO 126 de data 30.06.2023

Décimo segundo.- En data 15 de xuño de 2016 Comité de Integridade Contractual de conformidade co disposto no apartado quinto dos principios de funcionamento e xestión do canle de alertas aprobados pola Xunta de Goberno local en sesión ordinaria de data 13 de xaneiro de 2022 emitiu o informe correspondente ao período de data 13 de xaneiro de 2022 e ata 15 de xuño de 2023.

Décimo terceiro.- En data 15 de xuño de 2023, a vista do acordo da Xunta de Goberno Local de data 12 de xuño de 2023 os membros do Comité de Integridade Contractual acordan por unanimidade elevar a Concelleira de Seguridade, Contratación e Xestión Municipal deixar sen efecto o canal de alertas creado en data 13 de xaneiro de 2022 e en data 12 de xuño de 2023 a Xunta de Goberno Local en expediente de adaptación do sistema interno de información (1446-1102)

Décimo Cuarto.- En data 28 de agosto de 2023 por Resolución da concelleira delegada da Área de goberno de Seguridade, Contratación e Xestión Municipal, a proposta do Comité de Integridade Contractual de data 15 de xuño de 2023, acordouse deixar sen efecto o canle de alertas en materia de contratación creado pola Xunta de Goberno Local de data 13 de xaneiro de 2022 con efectos 13 de xuño de 2023.

CONSIDERACIÓNS XURÍDICAS

O apartado quinto dos principios de funcionamento e xestión do canle de alertas aprobados pola Xunta de Goberno local en sesión ordinaria de data 13 de xaneiro de 2022 dispón que transcorrido un ano desde a súa implantación o Comité elaborará un informe dirixido ao órgano de contratación no que deixará constancia das comunicacións e informacións recibidas de forma anonimizada e no que sintetice a súa actividade, coas propostas que considere de cara á mellora continua do sistema .

En data 15 de xuño de 2023 o Comité de Integridade Contractual emitiu o informe correspondente ao período de data 13 de xaneiro de 2022 e ata 15 de xuño de 2023 no que se conclúe que durante o exercicio xaneiro 2022 e ata 15 de xuño de 2023 non se presentou a través do canle de alertas ningunha solicitude/ denuncia/alerta en materia de contratación.

E por isto polo que procede dar conta do informe a Xunta de Goberno Local como órgano de contratación de conformidade coa disposición adicional segundo, paragrafo 11 da Lei 9/2017, de Contratos del Sector Público (LCSP).

Polo exposto elévase a Xunta de Goberno Local a seguinte **PROPOSTA**

PRIMEIRO.- Dar conta do informe do Comité de Integridade Contractual de data 15 de xuño de 2023 relativo ao funcionamento e xestión do canle de alertas en materia de



Copia do documento - Concello de Vigo	Data impresión: 04/09/2023 10:30	Páxina 4 de 5
1176-1102	CSV: A1AD3H-AF3A2D-8E2D44-YX76H4-V5AUBJ-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



CONCELLO DE VIGO
Secretaría de Goberno Local

contratación período de data 13 de xaneiro de 2022 e ata 15 de xuño de 2023.

SEGUNDO.- Publicar o acordo no Portal de Transparencia.

ACORDO

A Xunta de Goberno local queda informada.

E para que así conste e produza os seus efectos, emito a presente certificación coa salvedade do artigo 206 do Regulamento de organización, funcionamento e réxime xurídico das entidades locais, de orde do Excmo. Alcalde, en Vigo na data da sinatura dixital.

SGF/me.

V. e Pr.

O ALCALDE,
Abel Caballero Álvarez.



Copia do documento - Concello de Vigo	Data impresión: 04/09/2023 10:30	Páxina 5 de 5
1176-1102	CSV: A1AD3H-AF3A2D-8E2D44-YX76H4-V5AUBJ-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		